

Հաստատում եմ՝

Երևանի Տարածաշրջանային N1 պետական քոլեջի տնօրեն՝

Պ. Սանթրոսյան

« 05 » 03 2011թ.

ԿԱՆՈՆԱԴՐՈՒԹՅՈՒՆ
ԵՐԵՎԱՆԻ ՏԱՐԱԾԱՇՐՋԱՆԱՅԻՆ N1 ՊԵՏԱԿԱՆ ՔՈԼԵՋԻ
ՈՒՍԱՆՈՂԱԿԱՆ ԽՈՐՀՐԴԻ

1. Ընդհանուր դրույթներ

1.1. Երևանի տարածաշրջանային N1 պետական քոլեջի (այսուհետ՝ Քոլեջ) Ուսանողական խորհուրդը (այսուհետ՝ ՈւԽ) Քոլեջի ուսանողության ներկայացուցչական, ինքնավարության, ինքնակառավարման և նրա ընկերային շահերը ներկայացնող ներկայացուցչական ընտրովի մարմինն է:

1.2. ՈւԽ-ն ապաքաղաքական և ապակուսակցական կազմակերպություն է:

1.3. ՈւԽ-ն արտահայտում և պաշտպանում է սովորողների շահերը, նպաստում նրանց կրթական, ստեղծագործական, բարոյական և հոգևոր զարգացմանը:

1.4. ՈւԽ-ն իր գործունեության ընթացքում ղեկավարվում է ՀՀ գործող օրենսդրությամբ՝ հաստատության և իր կանոնադրություններով:

1.5. ՈւԽ-ն կարող է ունենալ իր անվամբ ձևաթղթեր, խորհրդանիշ և անհատականացման այլ միջոցներ, որոնց վրա ՈւԽ-ի հայերեն անվանումը պարտադիր է:

1.6. ՈւԽ-ի լրիվ անվանումն է՝ Երևանի տարածաշրջանային N1 պետական քոլեջի Ուսանողական Խորհուրդ:

1.7. ՈւԽ-ի հասցեն է՝ ք. Երևան, Թբիլիսյան խճուղի 3/1, Տարածաշրջանային N1 պետական քոլեջ:

2. Նպատակները եվ գործունեության հիմնական ուղղությունները

2.1. ՈւԽ-ի նպատակն է՝

- ա) ապահովել ուսանողների մասնակցությունը Քոլեջի կառավարմանը,
- բ) Քոլեջի կառավարման համապատասխան մարմինների քննարկմանը ներկայացնել ուսանողությանն առնչվող հարցեր,
- գ) մասնակցել ուսումնական գործընթացի կազմակերպմանը և ուսուցման արդյունավետության բարձրացմանն ուղղված ծրագրերի մշակմանն ու իրականացմանը,
- դ) պաշտպանել ուսանողների շահերն ու իրավունքները,
- ե) միավորել Քոլեջի ուսանողության ջանքերն ուղղված ուսանողության համար բարենպաստ միջավայրի ձևավորման նպաստմանն ու կրթական, հոգևոր, ստեղծագործական ու ֆիզիկական զարգացման ապահովմանը,
- զ) կազմակերպել ուսանողների ազատ ժամանցն ու հանգիստը, աջակցել նրանց սոցիալական վիճակի բարելավմանը,
- է) մասնակցել Քոլեջի տարածքում ներքին կարգապահության պահպանմանը:

2.2. ՈւՄ-ն իր գործունեությունը ծավալում է՝ ելնելով նշված նպատակներից ու խնդիրներից: Այն համագործակցում է ՀՀ-ում գործող ուսանողական, երիտասարդական և այլ կազմակերպությունների, ինչպես նաև մասնավոր անձանց հետ:

3. ՈւՄ-ի անդամների իրավունքները և պարտականությունները

3.1. ՈւՄ-ի անդամներն իրավունք ունեն.

- ա) մասնակցել Քոլեջի կառավարման խորհրդի և մանկավարժական խորհրդի նիստերին՝ ուսանողներին վերաբերող ուսուցման բովանդակության, գիտելիքների յուրացման որակի, նրանց հետ տարվող լրացուցիչ աշխատանքների կազմակերպման հարցերի քննարկումներին,
- բ) ներկայացնել կարծիք հաստատության մանկավարժական խորհրդին՝ սովորողի նկատմամբ կարգապահական տույժեր կիրառելու վերաբերյալ. առանձին դեպքերում հաստատության ներքին կարգապահական կանոնները խախտելու համար,
- գ) ստեղծել ուսանողական տարբեր ակումբներ և աջակցել դրանց աշխատանքների կազմակերպմանը,

- դ) արձագանքել և իր իրավասությունների սահմաններում ընթացք տալ սովորողների անհատական և կոլեկտիվ առաջարկներին ու դիմումներին,
- ե) իրականացնել աշխատանքներ սովորողների կարգապահության, հաճախումների և ուսումնական առաջընթացի բարելավման ուղղությամբ,
- զ) աջակցել կառավարման խորհրդի, տնօրինական խորհրդի, մանկավարժական խորհրդի և տնօրինության կողմից ուսանողներին անմիջականորեն վերաբերող այլ աշխատանքների իրականացմանը,
- է) մասնակցել համայնքին օժանդակող ծրագրերի իրականացմանը,
- ը) իրականացնել Քոլեջի և սույն կանոնադրությունից, ինչպես նաև Քոլեջի ուսանողների հիմնական պարտավորություններից և իրավունքներից բխող այլ լիազորություններ:
- թ) ստանալ անհրաժեշտ տեղեկատվություն ՈւԽ-ի աշխատանքների վերաբերյալ
- զ) ընտրել ՈւԽ-ի նախագահ իրենց կազմից,
- է) համալրել ՈւԽ-ի կազմը՝ ուսանողության շարքերից առաջադրելով նոր թեկնածուներ:

3.2. ՈւԽ-ի անդամները պարտավոր են.

- ա) օժանդակել ՈւԽ-ի հեղինակության ամրապնդմանը, գործունեության արդյունավետության բարձրացմանը,
- բ) ակտիվ մասնակցություն ցուցաբերել ՈւԽ-ի կողմից անցկացվող միջոցառումների ծրագրերի մշակմանը և դրանց իրականացմանը,
- զ) բարեխղճորեն կատարել ստանձնած պարտականությունները,
- դ) խուսափել գործողություններից, որոնք կարող են վնասել ՈւԽ-ի կամ նրա անդամների հեղինակությանը,
- ե) հետևել սույն Կանոնադրությամբ նախատեսված այլ պարտականությունների կատարմանը,

3.3. ՈւԽ անդամների լիազորությունները կարող են վաղաժամկետ դադարեցվել հետևյալ դեպքերում.

- ա) ՈւԽ-ի որոշմամբ՝ ժողովներից պարբերաբար բացակայելու, աշխատանքից խուսափելու, որոշումները չկատարելու, կարգապահական խախտումների և

Քոլեջի կանոնադրությամբ սահմանված՝ ուսանողի պարտականությունները չկատարելու դեպքերում:

- բ) ուսումնառությունն ավարտելուց հետո,
- գ) Քոլեջից հեռացվելու կամ ինքնակամ հեռանալու դեպքում,
- դ) անձնական դիմումի համաձայն:

3.4. ՈւԽ-ի անդամի լիազորությունների դադարեցման մասին որոշումը ընդունում է ՈւԽ-ը: